



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Eginhartvs De Vita Caroli Magni, Animadversionibvs
Illvstratvs**

**Bessel, Friedrich
Reinhard, Johann Friedrich**

Helmestadii, 1667

Animadversiones Ad Cap. X.

urn:nbn:de:hbz:466:1-10996

Rolandus, sed sexies & amplius mortuus. Gladius Rolandi Durenda, & tuba ejus eburnea, de quibus fabulator Turpinus cap. 27. ad Roncevallum ostenditur juxta Leod, l. c. Eundem tamen gladium assertari ajunt in opido S. Dionysii propè Lutetiam, ut ex Schröteri Hist. totius Orb. Terr. probat Gryphiand. cap. 12 & quod magis, conspicitur pendens ad arcis Prusica portam in Turcia, quem Turcae diligenter adseruant: nam vulgus existimat Rolandum Turcam fuisse, dicente Petro Bellonio, lib. III. Observ. cap. 42.

CAPUT X.

1. **D**omuit & Britones, qui ad occidentem in extremâ quâdam parte Galliae super littus Oceani residen-tes, dicto audientes non erant; missa in eos expe-ditione, qua & obsides dare, & quæ imperarentur
2. se facturos polliceri coacti sunt. † Ipse postea cum exercitu Italiam ingressus, ac per Roman iter agens, Capuam Campaniæ Urbem accessit, atque ibi positis castris, bellum
3. Beneventanis nî * sese dederent, comminatus est. † Præ-venit hoc Dux gentis Aragisus, filios suos Rumoldum & Grimoaldum cum magna pecunia obyiam regi mittens, rogit, ut filios obsides suscipiat, seque cum gente imperata faciurum pollicetur: præter hoc solum, si ipse ad conspe-
4. ctum venire cogeretur. † Rex utilitate gentis magis quam animi ejus obstinatione considerata, & obsides sibi obla-tos suscepit, eique ut ad conspectum venire non cogeretur, pro magno munere concessit, unoque ex filiis, qui minor natu erat, obsidatus gratiâ retento, majorem patri remisit, legatisque ob sacramenta fidelitatis à Beneventanis exi-genda atque suscipienda, cum Aragiso dimissis, Romanredit, consumptisque ibi in sanctorum veneratione loco-rum aliquot diebus, in Galliam revertitur.

ANIMADVERSIONES

AD CAP. X.

Domuit & Britones) Aliquoties Britones à Carolo domiti sunt: pri-mùm anno 786. de quo Adelmus: cùm ab Anglis & Saxonibus Bri-tannia

tannia Insula fuisse invasa (sic enim lego non *inversa*, ut vulgo post Nuenariū editur) magna pars incolarum ejus mare trajiciens, in ultimis Galliæ finibus, Venetorum & Coriosolitarum Regiones occupavit. Is populus à regibus Francorum subactus ac tributarius factus, impositum sibi vestigal licet invitus solvere solebat. Cumque eo tempore dicto audiens non esset, missus illuc regiæ mensæ præpositus *Audulphus*, perfida genitrix contumaciam mirâ celeritate compressit, regique apud Wormatiam & obsides quos acceperat, & complures ex populi primoribus adduxit. Consentient Sigebertus & Auctor annal. Fuldens. *aa eundem ann.* Integro decennio errat *Marianus Scotus*, qui hanc expeditionem ad ann. 776. retulit. Deinde per *VVitonem* seu *Gividonem*, Comitem, ac Britannici, post Rutlandum, limitis præfectum, iterum victi & in ditionem recepti Britones, totaque adeò Britannia, quod nunquam ante a fuit, Francis subjugata est, teste præter alios Reginone lib. 11. ad ann. 799.

Dux Gentis Aragisus] Heregillum Regino ac Sigebertus *ad ann. 787.* Argisum Gobelin. *stat. 6. c. 38.* appellant: contra quem eam ob causam, si nonnullis credimus, profectus est Carolus, quod Aragisus Regem se inungifecisset: qui tamen solo adventu Caroli territus, manus supplex & obfides dedit. Grimaldus quem in pacis firmamentum cum duodecim obfidiibus retinuerat Carolus, ab eodem post mortem patris Dux Beneventani datus est, juxta Adelnum *ann. 788.* & nisi me fallunt omnia, hic est Grimaldus ille, qui sparsō venenato pulvere, magnam boum stragem concitavit, quod memorat & irridet Agobardus, Lugdunensis Episcopus, in eo libro, quem *contra insulam Vulgi opinionem de grandine & tonitruis scripto p. 156.*

Si ipse in conspectum venire cogeretur] Ita reposui ope Codicis Florentini, ac jubente Conrado Abbe Vrpergeni, qui Eginhartum exscriptis. Vulgo in editis à Nuenario ac Reubero, sed cum dispendio sententiæ, legebatur: *præter hoc, si ipse in conspectum venire non cogeretur.* Similiter iisdem auctori bus veterem lectionem post paulo reduxi, cum editum esset, *pro obfide reteneto*, quod tamen & Albertus Krantzius, qui Egiharti verba partim suis immisceret, retinuit lib. 11. *Saxon. cap. 4.*

CAPVT XI.

*N. exortum.

BAjoaricum deinde bellum & repente * ortum, & ^{1.} celeri fine completum est, quod superbia simul ac cordia Thassilonis ducis excitavit: Qui hortatu Uxor, quæ filia Desiderii regis erat, ac patris exilium per

